




Broj: 01,02-02-1-1348/17

Sarajevo, 30.5.2017.

Parlamentarna skupština BiH

Kolegij Predstavničkog doma

Ustavnopravna komisija Predstavničkog doma



Na osnovu člana 106. st. (1) i (2) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15 i 97/15), Zakonodavno-pravni sektor daje

MIŠLJENJE

o usklađenosti Prijedloga zakona o parlamentarnom nadzoru s članom 105. Poslovnika Predstavničkog doma i Jedinistvenim pravilima za izradu pravnih propisa u institucijama Bosne i Hercegovine

Predsjedavajući Predstavničkog doma Parlamentarne skupštine BiH je, u skladu s odredbama člana 106. stav (1) Poslovnika Predstavničkog doma, aktom broj: 01,02-02-1-1348/17, od 29.5.2017., dostavio Prijedlog zakona o parlamentarnom nadzoru (u daljnjem tekstu: Prijedlog zakona) Zakonodavno-pravnom sektoru radi davanja mišljenja o usklađenosti Prijedloga zakona s članom 105. Poslovnika Predstavničkog doma i Jedinistvenim pravilima za izradu pravnih propisa u institucijama BiH.

Prijedlog zakona podnio je poslanik Borislav Bojić, predsjedavajući Privremene zajedničke komisije oba doma Parlamentarne skupštine BiH za pripremu i upućivanje u parlamentarnu proceduru Prijedloga zakona o parlamentarnom nadzoru (Zaključak, broj: 01,02-34-1-1229/15, od 14.10.2015., objavljen u "Službenom glasniku BiH", broj 81/15), u skladu s članom 104. stav (1) Poslovnika Predstavničkog doma.

I. Usklađenost s odredbama Poslovnika Predstavničkog doma Parlamentarne skupštine BiH

Tekst Prijedloga zakona podnesen je u pisanoj i elektronskoj formi, na jezicima u službenoj upotrebi u Bosni i Hercegovini, što je u skladu s članom 105. stav (1) Poslovnika Predstavničkog doma (u daljnjem tekstu: Poslovnik).

U skladu s članom 105. stav (3) Poslovnika, uz Prijedlog zakona dostavljeno je obrazloženje koje sadrži elemente propisane članom 105. stav (3) tač. a), b), c) i d) Poslovnika:

1. ustavni osnov za usvajanje zakona,
2. razloge za donošenje zakona,
3. principe na kojima je prijedlog zakona zasnovan,
4. obrazloženje članova prijedloga zakona, te

5. procjenu finansijskih sredstava neophodnih za provođenje zakona.

U skladu s članom 105. stav (4) Poslovnika, mišljenje Direkcije za evropske integracije o usklađenosti prijedloga zakona sa zakonodavstvom EU pribavlja Kolegij Doma.

S obzirom na to da se radi o novom Prijedlogu zakona, odredbe člana 105. stav (5) Poslovnika nisu primjenjive.

Iz navedenog proizilazi da je Prijedlog zakona *usklađen* s članom 105. Poslovnika Predstavničkog doma.


II. Usklađenost s Jedininstvenim pravilima za izradu pravnih propisa u institucijama BiH ("Službeni glasnik BiH", br. 11/05, 58/14 i 60/14)

Prijedlog zakona svojom strukturom, formom i stilom formalno zadovoljava pravila izrade pravnih propisa, kako je to propisano Jedininstvenim pravilima za izradu pravnih propisa u institucijama BiH (u daljnjem tekstu: Jedinistvena pravila).

Što se tiče strukture Prijedloga zakona, smatramo da je član 1. (Predmet zakona), u kojem se navodi šta se njime regulira, nepotrebno opširan. S obzirom na to da se članom 8. stav (2) Jedinistvenih pravila nalaže da se u formuliranju predmeta navedu samo podaci koji se odnose na sadržaj cijelog zakona, formuliranje predmeta, kao element uvodnog dijela, treba da bude kratko i bez popratnih informacija i detalja o njegovom sadržaju.

Što se tiče forme Prijedloga zakona, nije dosljedno ispoštovan član 25. stav (2) Jedinistvenih pravila koji se odnosi na unutrašnju podjelu propisa, a kojim se nalaže da svaki propis ima najmanje dva člana.

U Prijedlogu zakona, što se tiče stila, u čl. 13. i 15. nije dosljedno ispoštovan član 39. stav (2) Jedinistvenih pravila kojim se jasno definira način zatvorenog pozivanja na drugi propis kao ni član 43. stav (1) koji nalaže da se riječi u propisu upotrebljavaju u jednini.

Rukovoditeljica
Zakonodavno-pravnog sektora

Mirjana Kutanjac

Dostaviti:

1. naslovu
2. a/a